



№ 11 (9000),
жұма, 29 наурыз
2024 жыл

Eskeldi_eli@mail.ru

Ескелді аудандық қоғамдық-саяси, әлеуметтік-экономикалық газеті. Газет 1930 жылғы 13 қазаннан шығады.

МЕМЛЕКЕТ БАСШЫСЫ БОАО АЗИЯ ФОРУМЫНЫҢ ПЛЕНАРЛЫҚ СЕССИЯСЫНДА СӨЗ СӨЙЛЕДІ

Қасым-Жомарт Тоқаев жыл сайын Қытайдың Хайнань провинциясында өтетін Боао Азия форумының (БАФ) пленарлық сессиясының ашылу рәсіміне қатысты. Биылғы 23-ші форум «Азия және өлем: ортақ сын-қатерлер, ортақ жауапкершілік» деген тақырыпта өтіп жатыр.



Қазақстан Президенті аталған форумда құрметті қоңақ ретінде сөз сөйледі. Мемлекет басшысы жиын қатысушыларына ілтипат білдіре отырып, құбылмалы геосаяси ахуал мен экономикалық қиыншылықтың салдарынан туындаған жаһандық тұрақсыздық жағдайында бұл платформа диалог пен халықаралық ынтымақтастық орталығы ретінде маңызды рөл атқаратынын атап өтті.

«Осы онжылдықтың ортасына қарай жаһандық жалпы ішкі өнімнің өсу қарқыны соңғы 30 жылда ең төменгі деңгейге түсетіні айқындала бастады. Сонымен қатар жетекші елдер арасындағы сауда қатынастарының шиеленісуі – әлі де әлемдік экономиканың алдында тұрған негізгі сын-қатерлердің бірі. Протекционизм саясаты мен сауда дауларының ушығуы жаһандық жеткізу тізбегін бұзып, экономикалық өсімді тежейді, сондай-ақ инвесторлардың сеніміне селкеу түсіреді. Жаһандық экономикаға дамудың жаңа парадигмасы керек екені анық. Бұл мәселені шеше алмасақ, таяу онжылдықтағы мүмкіндіктер қолымыздан сусып кетуі өбден ықтимал, – деді Қасым-Жомарт Тоқаев.

Мемлекет басшысы орнықты дамудың жаңа дәуіріне қадам басар тұста Азия елдері көш бастап тұрғанына назар аударды. Биыл Азия елдері әлемдік жалпы ішкі өнімнің 60 пайыз өсіміне қол жеткізеді деген болжам жасалып отыр. Дүниежүзілік сауданың 53 пайызы осы құрлықтың үлесіне тиесілі. Мұнда өлемнің ірі және қарқынды дамып келе жатқан экономикалары орналасқан. Соңғы жылдары Азияға тартылған тікелей шетелдік инвестиция көлемі едәуір ұлғайды. Сондай-ақ бұл аймақта патенттік әзірлемелердің 70 пайызына иелік ететін өлемнің жетекші технологиялық орталықтары бар. Құрлық айтарлықтай адами ресурсқа ие. Әлемдегі ірі 30 қаланың 21-і Азия құрлығында орналасқан. 2030 жылға қарай орта таптың тұтыну көлемінің өсімі 30 триллион доллар болмақ. Болжам бойынша оның 1 триллион доллары ғана батыс экономикасына тиесілі. Осы факторлардың барлығы мұның «Азия ренессансы» екенін көрсетеді, – деді Президент.

Мемлекет басшысы алдағы жылдары жаһандық өсім мен дамуды ынталандыру ісін жалғастыру үшін Азия өңірінің мол әлеуеті бар екенін атап өтті. Осы ретте Боао форумы жалпыға ортақ экономикалық прогреске қол жеткізу жолындағы Азиялық инновациялық тәсілдік іске асқанын анық көрсетеді. Сондай-ақ бұл жиын Қытайдың жаһандық дамуға деген ұстанымының айқын символы ретінде танылды, – деді Қазақстан Президенті.

Мемлекет басшысының айтуынша, бүгінде Қазақстан мен Қытай қарым-қатынасы тиімді серіктестіктің үлгісі саналады. Еліміз Қытайдың Орталық Азиядағы негізгі сауда-экономикалық серіктесіне айналды.

Қытайдың аймақтағы сауда-саттығы мен салған инвестициясының тең жартысы Қазақстанның үлесіне тиесілі. Былтыр Қазақстан мен Қытай арасындағы тауар айналымы 41 миллиард АҚШ долларын құрады. Бұл – тарихи рекордтық көрсеткіш. 2023 жылы елдеріміз арасындағы жүк тасымалының көлемі 22 пайызға артып, шамамен 30 миллион тоннаға жетті. Осыдан он жылдан астам уақыт бұрын ҚХР Төрағасы Си Цзиньпин Қазақстанға жасаған сапары кезінде «Бір белдеу, бір жол» ауқымды мегажобасын таныстырған болатын. Аталған жоба Шығыс пен Батыс арасындағы негізгі көпір қызметін атқарады, ал Қытайдан Еуропаға құрлық жолымен тасымалданатын жүктің 80 пайызы Қазақстан аумағы арқылы өтеді. Бұл

тапшылығын сезініп отыр. Орталық Азияда бидай өндіру бойынша жетекші ел саналатын Қазақстан өзінің ауыл шаруашылығы саласындағы әлеуетін жаһандық азық-түлік тұрақтылығын қамтамасыз ету үшін пайдалануға ниетті. Біз мақсатты бағдарламалар жасау, бірлескен агроинновациялық орталықтар құру және инновациялық технологиялар трансферті арқылы халықаралық ынтымақтастықты нығайтуға тиіспіз.

Ол үшін күш жұмылдыруымыз керек, – деді Президент.

Қасым-Жомарт Тоқаев Азия елдері арасындағы көлік-транзит халықаралық көлік бағытының нығайтуының стратегиялық мәні зор екеніне назар аударды.

«Қолданыстағы және жаңа көлік бағыттарын дамыту үшін барынша күш-жігер жұмсау аса маңызды. Транскаспий халықаралық көлік бағыты немесе «Орта дәліз» осы санатқа жатады. Аталған көлік бағдары Азия мен Еуропа арасындағы жеткізу тізбегінің қауіпсіздігін елдеқайда тиімді қамтамасыз етеді. Былтыр осы бағыттағы жүк тасымалы екі есе артты, 3 миллион тоннаға жетті. Алдағы жылдары бұл көрсеткіш 10 миллион тоннаға жетеді деген болжам жасап отырмыз. Сондай-ақ Қазақстан «Солтүстік – Оңтүстік» дәлізін дамытуда көрші елдермен ынтымақтастық орнатуға дайын, – деді Мемлекет басшысы.

Бұдан бөлек, Қазақстан Президенті жаһандық экономиканың орнықты өсімін қамтамасыз ету үшін технологиялық ынтымақтастықты, әсіресе, жасанды интеллект саласындағы ықпалдастықты нығайту маңызды деп санады. Бұл орайда Президент Қытайдың «Жасанды интеллектті басқару жөніндегі жаһандық бастамасын» қолдады.

Сондай-ақ Қазақстан бірлескен инновациялық IT-жобаларды жүзеге асыру мақсатында Азияның жетекші технологиялық алпауыттарымен серіктестік орнатуға мүдделі екенін мәлімдеді.

Мемлекет басшысының айтуынша, шикізаттың аса маңызды түрлерін өндіру ынтымақтастықты тағы бір перспективті бағыты саналады.

ҚАЗАҚСТАН МЕН ҚЫТАЙ СУДЫ ҮНЕМДЕЙТІН ТЕХНОЛОГИЯЛАРДЫ СЫНАП КӨРУГЕ ЖӘНЕ ОТАНДЫҚ АУЫЛ ШАРУАШЫЛЫҒЫ ӨНІМДЕРІ ҮШІН «ЖАСЫЛ ДӘЛІЗ» ҚҰРУҒА КЕЛІСТІ



ҚР Премьер-Министрінің орынбасары Серік Жұманғарин мен Қытай Халық Республикасы Шыңжаң-Үйғыр автономиялық ауданы Халық үкіметінің төрағасы Эркин Тунияз ауыл шаруашылығы саласындағы ынтымақтастық және ондағы өнімділікті 30%-дан 70%-ға дейін арттыратын су үнемдеу технологияларын енгізу мәселелерін талқылады.

Қазақстанда суармалы жерлердің 50%-ына дейін су үнемдеу технологияларымен қамту жоспарлануда. Әзірге бұл көрсеткіш 16%-ды құрап отыр. Қойылған міндеттерді іске асыру үшін бірқатар кешенді шара қабылданып жатыр.

«Бізге ауыл шаруашылығы мен өнеркәсіпте су үнемдеуді енгізуді қолдау және ынталандыру үшін барлық бағдарламалық құжат бар. Біз бизнес-құрылымдармен жұмыс істеуге дайынбыз. Алматы, Түркістан және Қарағанды облыстарында жобаларды іске асыру басталды», – деді ҚР су ресурстары және ирригация бірінші вице-министрі Болат Бекнияз.

Сонымен қатар тараптар отандық ауыл шаруашылығы өнімдерін өткізу бекеттері арқылы көлік құралдарымен жеделдетіп өту үшін «жасыл дәліз» құру және «жасыл пломбалар» түріндегі бірыңғай сәйкестендіру құралдарын енгізу бойынша жүргізіліп жатқан жұмыстарды талқылады. Ауыл шаруашылығы вице-министрі Ербол Тасжүрек қазақстандық тарап осы тетіктерді қолдануды толық қолдайтынын атап өтті. Шекарада бақылауды жеңілдетуге мүмкіндік беретін ережелерді біріздендіру бойынша ҚХР-дан нұсқаулар алынды. Мәселе мүдделі мемлекеттік құрылымдармен келісу сатысында тұр.

Қытайлық тарап суды үнемдеу саласында кешенді қызметтер көрсетуші «Тянь» компаниясының технологияларын қарастыруды ұсынды. Корпорация ҚХР-дағы 500 ірі компанияның қатарына кіреді. Оның өкілдері өз тәжірибелерімен бөлісуге дайын, соның арқасында фермерлер 1 му-дан (1 га=15 му) 500 кг мақта мен бір тонна жүгері жинайды.

Анықтама: Ауыл шаруашылығы саласындағы ынтымақтастық – қазақ-қытай қатынастарының маңызды құрамдас бөлігі. 2023 жылы ҚР мен ҚХР арасындағы АЕК өнімнің тауар айналымы 1,7 есе өсіп, \$1,3 млрд-тан асты (экспорт – \$1,01 млрд (+184%), импорт – \$290,2 млн (+125%).

primeminister.kz

ҚАЗАҚСТАН ШҰАА-ДА ӨТЕТІН ІІІ ӨНІР АРАЛЫҚ ҰНТҰМАҚТАСТЫҚ ФОРУМЫНА ҚАТЫСАДЫ

Бұл туралы 2024 жылғы 26 наурызда Қазақстан Премьер-Министрінің орынбасары Серік Жұманғарин мен Қытай Халық Республикасы ШҰАА Халық үкіметінің төрағасы Эркин Туниязбен екіжақты кеңейтілген кездесу барысында уағдаласты.

Қарым-қатынастарға 2023 жылғы Қазақстан Президенті Қасым-Жомарт Тоқаевтың Үрімжіге сапары мен ШҰАА партия комитетінің хатшысы Ма Синжуйдің Қазақстанға жасаған сапары ерекше серпін бергенін атап өтті.

Серік Жұманғарин ШҰАА делегациясын жылы қарсы алып, Шыңжаң Қазақстанның ірі сауда серіктестерінің бірі екенін атап өтті. «Серпінді өсу үрдісі біздің сауда қарым-қатынастарымыздың әлеуетін толық ашқан жоқ деп санаймыз. Біз тауар айналымын әртарапандыруға және жеткізілетін өнім номенклатурасын кеңейтуге бағыт алып отырмыз. Бұл үшін біз Қытай тарапының 2024 жылғы 26 маусымда Үрімжіде ІІІ өніраралық ынтымақтастық форумын өткізу туралы ұсынысын қолдаймыз. Біз сондай-ақ «Қытай-Еуразия» ЭКСПО халықаралық көрмесіне қатысуға дайындалып жатырмыз, оның аясында форум өтеді. Қазақстан оған дәстүрлі түрде қатысады. Бұл жолы алаңды ұлғайтып, көбірек кәсіпкерлер шақырамыз, ұсынылатын өнім түрін кеңейтеміз», – деді Қазақстан вице-премьері Қытай тарапына.

«Бүгінде Қазақстанмен сауда ШҰАА сыртқы тауар айналымының 40%-ын құрайды. 2023 жылдың қорытындысы бойынша біздің тауар айналымымыз \$20 млрд-қа жетіп, 70%-дан астам өсті. 2024 жылдың 2 айында – \$3,6 млрд-ты құрады, бұл 2023 жылдың сәйкес кезеңімен салыстырғанда 89,5%-ға жоғары. Өткен жылдың қорытындысына сәйкес, ШҰАА жалпы ішкі өнімнің өсімі бойынша ҚХР-да 4-ші орынға, ал сыртқы тауар айналымының өсімі бойынша екінші орынға ие. Қазір біз ынтымақтастығымыздың негізгі бағыттары бойынша бірлесіп жұмыс істеуге дайынбыз», – деп мәлімдеді ҚХР ШҰАА Халық үкіметінің төрағасы.

Өз кезегінде Таркин Тунияз екі мемлекет басшылары арасындағы келісімдерді жүзеге асыру нәтижелеріне ерекше тоқталып, бұл

Кездесуде тараптар сауда, ауыл шаруашылығы, көлік және логистика, су үнемдеу технологиялары, құнды қағаздар, «Қорғас» ШҰАА-ны дамыту, медицина саласында бірлескен кәсіпорындар құру және ашу, жерді қашықтықтан зондтау, білім беру, туризм мәселелері бойынша екіжақты ынтымақтастықтың кең ауқымды мәселелерін талқылады.

primeminister.kz

